



სსიპ ბათუმის შოთა რუსთაველის
სახელმწიფო უნივერსიტეტი

20 ნოემბერი, 2023 წ

ბრძანება № 01-02/214

2023-2024 სასწავლო წლის გაზაფხულის სემესტრისათვის „ერაზმუს+“ გაცვლითი პროგრამის ფარგლებში ვროცლავის უნივერსიტეტში საერთაშორისო მობილობისთვის ბსუ-ს აკადემიური/მოწვეული პერსონალისა და სტუდენტთა გამოსავლენად კონკურსის გამოცხადების შესახებ

„უმაღლესი განათლების შესახებ“ კანონის 22-ე მუხლის, ბსუ-ს წესდების მე-13 მუხლის, „საერთაშორისო გაცვლითი პროგრამების ადმინისტრირების წესის დამტკიცების შესახებ“ ბსუ-ს აკადემიური საბჭოს 2019 წლის 14 აგვისტოს №01-06/89 დადგენილების, „ERASMUS + საგრანტო პროექტის, რექტორის მივლინების შესახებ ბსუ-ს ადმინისტრაციის ხელმძღვანელის 2023 წლის 17 ნოემბრის №01-14/629 ბრძანებისა და ბსუ-ს სტრატეგიული განვითარებისა და საგარეო ურთიერთობათა დეპარტამენტის უფროსის სამსახურებრივი ბარათის (15.11.2023 წლის №1555131) საფუძველზე

ვბრძანებ:

1. 2023-2024 სასწავლო წლის გაზაფხულის სემესტრისათვის „ერაზმუს+“ გაცვლითი პროგრამის ფარგლებში ვროცლავის უნივერსიტეტში (პოლონეთი) პოლიტიკური მეცნიერებები და სამოქალაქო სამართალის, ენების (გარდა ინგლისური ფილოლოგიისა), ბიოლოგისა და ტურიზმის მიმართულებით საერთაშორისო მობილობის მონაწილე ბსუ-ს აკადემიური/მოწვეული პერსონალისა და სტუდენტების გამოსავლენად გამოცხადდეს კონკურსი და განისაზღვროს შემდეგი ვადები:
 - 1.1. კონკურსში მონაწილეობის მსურველთა მიერ წარმოდგენილი საკონკურსო დოკუმენტაციის (ბსუ-ს აკადემიური საბჭოს 2019 წლის 14 აგვისტოს №06-01/89 დადგენილებით განსაზღვრული) მიღება - 2023 წლის 20 ნოემბრიდან - 05 დეკემბრის ჩათვლით 15:00 საათამდე:
 - აკადემიური პერსონალის მიერ - ელექტრონულად, შემდეგ ბმულზე - <https://registration.bsu.ge> და საქმისწარმოების ელექტრონული სისტემის (eflow-ს) მეშვეობით;
 - მოწვეული მასწავლებელთა პერსონალის მიერ - ელექტრონულად, შემდეგ ბმულზე - <https://registration.bsu.ge> და ელექტრონულ ფოსტაზე chancellery@bsu.edu.ge;
 - სტუდენტების მიერ - ელექტრონულად, ბმულზე - <https://registration.bsu.ge> და ბსუ-ს პორტალის მეშვეობით.
 - 1.2 საბუთების შემოწმება და შეფასება - 2023 წლის 06 დეკემბერი, 11:00-13:00 საათი (საბუთების შემოწმებასა და შეფასებას დადგენილი კრიტერიუმების მიხედვით უზრუნველყოფს სტრატეგიული განვითარებისა და საგარეო ურთიერთობათა დეპარტამენტი);

1.3. ტესტირება/გამოცდა ინგლისურ ენაში (ინგლისური B2)- 2023 წლის 08 დეკემბერი, 11:00 საათი (ბსუ-ს საგამოცდო ცენტრი, №4 კორპუსი, მის: ქ. ბათუმი ფიროსმანის ქ. №12 (არანაკლებ ინგლისური ენის (B2) ცოდნის დამადასტურებელი სერტიფიკატის არსებობის შემთხვევაში, კონკურსანტი თავისუფლდება ტესტირებიდან);

1.4. გასაუბრება კომისიასთან - 2023 წლის 12 დეკემბერი, 14:00 საათი;

1.5. ბსუ-ში ჩატარებული კონკურსის შედეგად ნომინირებული სტუდენტების/პერსონალის შესახებ ინფორმაციის მიწოდება მიმღები უნივერსიტეტის - 2023 წლის 15 დეკემბერი.

2. დამტკიცდეს წინამდებარე ბრძანებით გამოცხადებული კონკურსის ჩატარების მიზნით საკონკურსო კომისიის შემადგენლობა:

ა) მერაბ ხალვაში - თავმჯდომარე, რექტორი;

ბ) ანზორ ბერიძე - თავმჯდომარის მოადგილე, რექტორის მოადგილე;

გ) თამარ სირაძე - რექტორის მოადგილე;

დ) ვლადიმერ ღლონტი - ხარისხის უზრუნველყოფის სამსახურის ხელმძღვანელი;

ე) მარინა გიორგაძე - სტრატეგიული განვითარებისა და საგარეო ურთიერთობათა დეპარტამენტის უფროსი;

ვ) ნანა ყურშუბაძე - სტრატეგიული განვითარებისა და საგარეო ურთიერთობათა დეპარტამენტის უფროსის მოადგილე, ერაზმუს+ კოორდინატორი ბსუ-ში;

ზ) ირაკლი კორძაია - ტურიზმის ფაკულტეტის დეკანი;

თ) თეონა ბერიძე - ჰუმანიტარულ მეცნიერებათა ფაკულტეტის დეკანი;

ი) რუსუდან ხუხუნაიშვილი - საბუნებისმეტყველო მეცნიერებათა და ჯანდაცვის ფაკულტეტის დეკანი;

კ) ლევან ჯაყელი - იურიდიული და სოციალურ მეცნიერებათა ფაკულტეტის დეკანი.

3. კონკურსის წესით შერჩევა განხორციელდეს ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით დამტკიცებული „საერთაშორისო გაცვლითი პროგრამების ადმინისტრირების წესით“ და წინამდებარე ბრძანების შესაბამისად.

4. ბრძანება გამოქვეყნდეს ბსუ-ს ვებგვერდზე.

5. წინამდებარე ბრძანებით გამოცხადებული კონკურსის შესახებ განცხადების ტექსტი მომზადდეს სტრატეგიული განვითარებისა და საგარეო ურთიერთობათა დეპარტამენტის მიერ და გაეგზავნოს საინფორმაციო ტექნოლოგიების სამსახურს - ბსუ-ს ვებგვერდზე განთავსებისათვის, ხოლო სასწავლო პროცესის დეპარტამენტს - ბსუ-ს პორტალზე განთავსებისათვის.

6. ბრძანება სახელმძღვანელოდ და აღსასრულებლად დაეგზავნოს რექტორის აპარატს, ადმინისტრაციის ხელმძღვანელს, რექტორის მოადგილებს, ხარისხის უზრუნველყოფის სამსახურს, ფაკულტეტებს, სასწავლო პროცესის დეპარტამენტს, სტრატეგიული განვითარებისა და საგარეო ურთიერთობათა დეპარტამენტს, საინფორმაციო ტექნოლოგიების სამსახურს და კომისიის წევრებს.

7. ბრძანება ძალაშია ხელმოწერისთანავე.

8. ბრძანება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (მის: ქ. ბათუმი, ს. ზუბალაშვილის ქ№30).

რექტორი მოადგილე, პროფესორი
რექტორის მოვალეობის შემსრულებელი

ანზორ ბერიძე